

KIROLARABA FUNDAZIOA

Lortutako kirol arrakastagatik kirolarientzako laguntzen deialdia.

Lehenengoa.- Xedea.

Kategoria absolutuetako kirolari federatu arabarrei Kirolaraba fundazioak emandako laguntzak arautzea da deialdi honen helburua, 2018ko irailaren 1etik 2019ko abuztuaren 31ra bitartean kirol arrakasta lortu izana dela medio.

Diputatuen Kontseiluaren urriaren 6ko 55/2015 Foru Dekretuaren bidez (ALHAO, 123. zk., 2015eko urriaren 21ekoa) arautuko da deialdi hau. Foru dekretu horren bidez, Euskara, Kultura eta Kirol Sailaren eskumen esparruan, lehia bidez emango diren dirulaguntzei aplikatu dakizkiekeen oinarri-arau orokorrak onartu ziren; deialdia hemen jasotako eduki eta prozedurara egokituko da.

Bigarrena. - Laguntzen kopurua.

Dirulaguntzen kopuru osoak ezingo du gainditu horretara bideratutako zenbatekoa, hau da, 18.000,00 euro. Zenbateko hori 2019ko ekitaldiko Kirolaraba fundazioaren aurrekontuaren kontura ordainduko da.

Aurrekontu hori egoteak ez du esan nahi Kirolaraba fundazioak hura guztiz gastatu beharra duenik.

Eman beharreko dirulaguntzak kalkulatu ondoren gerakina sortzen bada, patronatuari ebazpen proposamena aurkeztu behar dion kide anitzeko organoak proposatu ahal izango du gerakin hori beste laguntza lerro batera edo beste gastu batera bideratzea.

Hirugarrena.- Onuradunak eta baztertuak.

1.- Laguntza horien onuradun izango dira kirolari federatu arabarrak, baldin eta baldintza hauek betetzen badituzte:

Nork bere kirol modalitate edo diziplinan, gutxienez estatuko, Europako edo mundu mailako txapelketetan edo Olinpiar Jokoetan jardun izana.

“Kirolari” hitzak barne hartzen ditu soilik nor bere kirolean lehiatzen diren -fisikoki parte hartzen duten- pertsonak; beraz, hitz horrek kanpo uzten ditu epaileak, arbitroak, komisarioak eta araudia kudeatzea dagokien gainerako pertsonak, bai eta aipatu parte-hartzaileen prestakuntzaz eta hobekuntzaz arduratzen diren pertsonak ere.

1.2.- 18 urte beteak izatea, deialdi honetan eskaerak aurkezteko ezarritako epea amaitzen denean.

Baldintza hori egiaztatzeko NANaren fotokopia aurkeztuko da, edo eskatzailea atzeritarra izanez gero, bizileku txartela.

1.3.- Gutxienez 2015eko urtarrilaren 1az geroztik Arabako Lurralde Historikoko udalerriren batean jarraian erroldatuta egotea.

Eskatzaileak erroldatuta egoten jarraitu behar du eskaera egiten den unean.

.....

Eskatzaileak, ezinbestean eta aldi baterako, erroldatuta egon behar badu Arabako Lurralde Historikotik kanpoko udalerrri batean –nahitaezkoa delako haren kirol jarduera hobetu ahal izateko-, baldintza hori betetzetik salbuetsita geratu ahal izango da, aurrez eta idatziz horren arrazoiak ematen baditu.

1.4.- Dagokion kirol modalitateko Arabako federazioak emandako federazio lizentzia indarrean izatea (2018/2019 denboraldikoa edo 2019. urtekoa).

Baldintza hori egiaztatzeko, indarrean dagoen federazio lizentziaren fotokopia aurkeztuko da, edo, hala badagokio, kasuan kasuko Arabako federazioaren ziurtagiria.

Eskatzaileak, ezinbestean eta aldi baterako, Arabako Lurralde Historikotik kanpoko udalerrri bateko kirol federazio bateko lizentzia lortu behar badu –nahitaezkoa delako haren kirol jarduera hobetu ahal izateko -, baldintza hori betetzetik salbuetsita geratu ahal izango da, aurrez eta idatziz horren arrazoiak ematen baditu.

1.5.- Dagokion Arabako federazioaren ziurtagiria aurkeztea, zeinak egiaztatzen baitu eskatzaileak kasuan kasuko kirol modalitateetan gutxienez estatuko, Europako eta mundu mailako txapelketetan edo Olinpiar Jokoetan jardun duela. Datu hauek ere agertu behar dira agirian: lortutako postua, lehiaketaren lekua eta data, eta kategoria absolutuko lehiaketa izan dela.

Hona hemen kirol jarduera horiek: Espainiako, Europako, mundu mailako eta Olinpiar Jokoetako txapelketetako zernahi fase, 2018. urtean edo 2018/2019 denboraldian egindakoak eta dagokion federazioak edo Nazioarteko Olinpiar Batzordeak antolatutak, betiere kategoria gorenean.

“Kategoria gorentzat” hartuko da goreneko maila edo taldea, lehiaketa jakin bat hainbat mailatan sailkatuta dagoenean.

Betiere, lehiaketa horiek lehiaketa mailarik gorenei dagozkiela iritziko da, eta, horren ondorioz, baztertuta egongo lirateke honelako lehiaketak: 2 mailako, 3 mailako edo B mailako txapelketak, oinarrizko mailako txapelketak, 2. mailako txapelketak, autonomia erkidegoetako selekzioak eta antzekoak.

“Zazpi Herrialde” izeneko lehiaketan parte hartzea Espainiako txapelketan parte hartzearen parekoa izango da.

Herri kiroleko modalitateei dagokienez, autonomia erkidegoetako lehiaketetan parte hartzen duten kirolariak laguntza honen onuradun izango dira, eta modalitate horiek Espainiako txapelketekin parekatuko dira.

Aurkeztutako modalitate edo diziplina ez badago sartuta ofizialki aitorturiko federazioetan, fundazioaren patronatuari ebazpen proposamena aurkeztu behar dion kide anitzeko organoak dauden federazioen arteko baliokide bat hartu ahalko du erreferentzia gisa, egokitzat joz gero.

Emandako datuak bakar-bakarrik mailarik goreneko eta kategoria absolutuko kirolariari buruzkoak izango dira. Horren ondorioz, ez da onartuko eskatzailearen datuak beste pertsona batzuenekin nahasita ematea.

2. Kirolari hauek baztertu egingo dira eta eskaera hauek ez dira aztertuko:

- Zerga betebeharrak eta Gizarte Segurantzarekikoak egunean ez dituzten kirolariak.

- Azaroaren 17ko 38/2003 Lege Orokorrak, dirulaguntzenak, IV. tituluan adierazitako arau-hausteengatik zehapena jaso duten kirolariak, bai eta Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, jasotzen dituen kasuetan daudenak edo kirol arloko beste edozeinetan (dopinga...) daudenak ere.
- Indarreko legeriak kirolari profesionaltzat jotzen dituen kirolariak.
- Arabako Foru Aldundiarekin babes kontratua daukaten goi mailako kirolariak.
- Ez dira aztertuko lehiaketa ofizialeko kirol probetan gutxienez seigarren oinarrian adierazitako posturen bat lortu izana justifikatzen ez duten eskaerak.

3. Baldin eta kirol klub edo elkarteren baten eta erakunde horretako kideren baten eskaerarik jasotzen bada kirol arrakasta beragatik, eta bakoitzak dagokion deialdia kontuan hartuta egin badu eskaera, taldeak egindako eskaera eta ez banakoak egindakoa lehenetsiko da; hau da, klubaren eskaera hartuko da kontuan eta baztertu kirolariarena.

Laugarrena. - Eskaerak aurkeztea.

1.- Pertsona bakoitzeko eskabide bakarra aurkeztu ahalko da. Eskaera horretan, oinarrietan adierazitako denboraldian lortu den arrakastarik handienari buruzko datuak baino ez dira emango.

2.- Kiolaraba fundazioaren patronatuari zuzendu beharko zaizkio eskaerak, eranskin gisa atxiki den ereduaren arabera, eta fundazioaren gizarte egoitzan aurkeztu (Probintzia plaza, 5, 3. PK: 01001 Gasteiz).

3.- Betiere, jakinarazpenetarako ematen den helbidea adierazi beharko da.

4.- Laguntza hauek eskuratzeko eskaerak aurkezteak oinarri hauetan ezarritakoa formaiki eta berariaz onartzen dela esan nahi du.

Ez da onartuko oinarri hauetan zerrendatuta ageri diren datu eta agiri guztiak jasotzen ez dituen eskaerarik.

Hala ere, aurkeztutako datu edo dokumentazioaren bat osatugabe badago edo aski ez bada, fundazioak eskubidea izango du eskaera aurkeztutako datuekin ebatzi edo kasuan kasuko gabezia zuzentzeko hamar eguneko epea emateko, ohartaraziz hala egin ezean eskaera bertan behera utzi dela ulertuko dela, alde zuzetik horren inguruko ebazpena emanaz.

Laguntza eskaera bat izapidetzeko onartzeak ez du esan nahi hura emateko konpromisoa dagoenik.

5.- Laguntza deialdi honetan parte hartzeko interesa duten kirolariek eskaera eta I. inprimakia aurkeztu beharko dute, inprimaki normalizatuetan, gutxienez agiri hauekin batera eta adierazten den moduan:

5.1.- 1. orria: eskatzaileari buruzko datuak, posta bidez jakinarazpena egiteko helbidea, emandako datuak tratatzeko baimena, aurkezten diren agirien zerrenda eta eskatzailearen sinadura.

5.2.- 2. orria: ziurtagiriak.

5.3.- 3. orria: lortutako arrakastari buruzko datuak.

5.4.- 4. orria: bankuko kontuaren zenbakia, IBAN kode eta guzti. Agiri horrek banku erakundearen zigilua izan behar du, bankuko kontu zenbakia eskatzailearena dela egiaztatzeko, eta eskatzailearen sinadura ere eraman behar du.

5.5.- Errolda ziurtagiria.

Eskatzailea gutxienez 2015eko urtarrilaren 1az geroztik Arabako Lurralde Historikoko udalerriren batean jarraian erroldatuta egon dela egiaztatu behar du agiriak. Eskatzaileak erroldatuta egoten jarraitu behar du eskaera egiteko unean.

5.6.- Eskatzaileak Foru Ogasunarekiko betebeharrak egunean dituela frogatzen duen agiria aurkeztu behar da.

5.7.- Eskatzaileak Fundazioaren publizitatea egitea, baldin eta Fundazioaren laguntza jaso badu 2018. urtean edo 2018/2019 denboraldian. Hala bada, froga grafikoak aurkeztu beharko ditu ziurtatzeko Fundazioaren irudia erakutsi duela taldearen jantzi ofizialean, karteletan, web orrian (halakorik izanez gero), eta abar, bai eta eskatzaileak kirol arrakasta lortu duen lehiaketan ere.

Emandako datuak bakar-bakarrik mailarik goreneko eta kategoria absolutuko kirolariari buruzkoak izango dira. Horren ondorioz, ez da onartuko mailarik goreneko talde absolutuaren datuak beste talde batzuenekin nahasita ematea.

Bosgarrena. - Eskaerak aurkezteko epea.

Eskaerak aurkezteko epea 2019ko irailaren 2an hasi eta 2019ko irailaren 30ean amaituko da, egun hori barne.

Seigarrena.- Laguntzak emateko irizpideak.

1.- Hirugarren oinarriak jasotzen dituen eta lagun daitezkeen jarduera guztien laguntza irizpideak haztatzeko eta laguntzok eman ahal izateko, irizpide hauek izango dira kontuan (laguntzaren xede den goi mailako kirolariaren kirol arrakastaren datuak soilik aintzat hartuta):

a) Lortutako postua:

Gehienez 100 puntu, puntuazio baremo honekin bat etorritz:

Lortutako postua	Espainiako txapelketak	Europako txapelketak	Munduko txapelketak	OJ
Lehenengoa	15	40	70	100
Bigarrena	10	35	65	95
Hirugarrena	5	30	60	90
Laugarrenetik zortzigarreneira	0	25	55	85
Parte-hartzea	0	15	40	70

"Lortutako postua" idatz zatian lortutako posturik onena baino ez da balioetsiko, eskaera guztietan.

Laguntzak banatzeko, puntuazio bidezko banaketa sistema bat aplikatuko da. Horretarako, bigarren oinarrian zehaztutako zenbatekoa onuradun guztiek lortutako puntu guztien artean zatituko da. Horrela puntuaren balioa zein den jakingo dugu. Puntuaren balioa eta onartutako eskaera bakoitzaren puntu kopurua biderkatu behar dira emaitza kalkulatzeko.

b) Emaizta gisa lortutako kopurua edozein dela ere, honako muga hauek aplikatuko dira:

	Espainiako txapelketak	Europako txapelketak	Munduko txapelketak	OJ
Muga	1.000,00 €	1.500,00 €	2.000,00 €	3.000,00 €

Lortutako arrakastarik handiena baino ez denez balioesten, laguntzak ezin izango dira metatu.

Laguntzak aurkeztutako datuekin aplikatuko dira, 2018ko irailaren 1etik 2019ko abuztuaren 31ra arteko aldiari dagozkionak; ezingo dira ondorengo urteetarako eskatu, aurrekarizat eskatuta.

Ez dira baloratuko egiaztatzen ez diren datuak.

Laguntzen eskatzaileek aurkeztutako datuak egiazkoak direla frogatzeko eskubidea izango du fundazioak. Fundazioak egiaztatzen badu aurkeztutako datuak faltsuak direla, datuok etorkizuneko deialdietatik kanpo geratuko dira, eta, hala badagokio, jasotako kopurua itzuli egin beharko da.

Zazpigarrena.- Eskaerak aztertu eta ebaztea.

1.- Eskaerak aurkezteko epea amaitu eta gero aztertu eta ebatziko da, hala badagokio, laguntza ekonomikoak ematea edo ukatzea.

2.- Espedientea aztertuta, kide anitzeko organo batek egingo du dirulaguntza proposamena, hau da, fundazioko patronatuak hautatutako hiru pertsonak osatutako kide anitzeko organo batek.

Kide anitzeko organoak behin betiko ebazpen proposamena aurkeztuko dio fundazioaren patronatuari.

3.- Behin betiko ebazpen proposamena ikusita, fundazioko patronatuaren presidentziak gehienez sei hilabeteko epean ebatziko du deialdia, ALHAOn argitaratzen denetik zenbatzen hasita. Epe horretan esanbidezko ebazpenik ematen ez bada, interesdunek ulertuko dute eskaera ezetsi egin dela.

4.- Dirulaguntza eskaerari baiezkoa eman bazaio, ebazpenean datu hauek agertuko dira: dirulaguntzaren zenbatekoa, ordaintzeko modua, laguntzaren xede den programa edo jarduera, aurkeztu beharreko agiriak eta zer baldintzatan ematen den. Gainera, ebazpena onuradunei jakinaraziko zaie, bat etorritik, Administrazio Publikoen Administrazio Prozedura Erkidearen urriaren 1eko 39/2015 Legeak 42. eta 43. artikuluetan xedatutakoarekin.

5.- Ebazpenaren aurka gora jotzeko errekurtsua aurkeztu ahal izango zaio fundazioa atxikita dagoen saileko diputatuari, hilabeteko epean, jakinarazten den egunaren hurrengotik aurrera zenbatzen hasita, bat etorritik urriaren 1eko 39/2015 Legeak, Administrazio Publikoen Administrazio Prozedura Erkidearenak, 122. artikuluan xedatutakoarekin. Errekurtsuaren ebazpena emateko eta jakinarazteko epea hiru hilabetekoa izango da gehienez. Epe hori igaro eta ebazpenik eman ez bada, errekurtsua ezetsi dela ulertu behar da.

Errekurtsuaren ebazpenak administrazio bidea amaitzen du. Haren aurka, administrazioarekiko auzi errekurtsua aurkeztu ahal izango da Gasteizko administrazioarekiko auzietarako epaitegietan, Administrazioarekiko Auzien Jurisdikzioa arautzen duen uztailaren 13ko 29/1998 Legeak 8. artikuluan xedatutakoaren arabera. Horretarako, bi hilabete izango dira, ebazpena jakinarazi eta hurrengo egunetik kontatuta.

.....

Zortzigarrena. - Laguntza ordaintzea.

Dirulaguntza ordainketa bakarrean ordainduko da, eta PFEZari dagokion atxikipena aplikatuko zaio, deialdiaren ebazpena eman ondoren; izan ere, eskaerarekin batera aipatutako justifikazioa aurkeztu da.

Ordainketa ezingo da egin harik eta onuraduna zerga betebeharrak betetzean egunean egon arte.

Bederatzigarrena. - Publizitatea.

1.- Deialdi hau argitara emateko, ALHAOn iragarki bat jarriko da. Horrez gainera, fundazioaren webgunean ere jarriko da: www.kirolaraba.eus.

2.- Onuraduna behartuta dago berariaz eta modu argian adieraztera diruz lagundutako jarduerari buruzko argibide, publizitate eta propaganda orotan Kirolaraba fundazioak babesa eman duela; edonola ere, laguntza ekonomikoa ematen zuen ebazpenean zehazten ziren baldintzetan egingo da hori.

Hamargarrena.- Interpretazioa.

Deialdi hau interpretatzean sor daitekeen edozein zalantza Kirolaraba fundazioak ebatziko du.